



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Prima Duo Sæcula Complectens

Fleury, Claude

August. Vind. [u.a.], 1758

VD18 13322648

§. 33. Epistola S. Clementis ad Corinthios.

[urn:nbn:de:hbz:466:1-66002](https://nbn-resolving.org/urn:nbn:de:hbz:466:1-66002)

S. Clementis Epistola ad Corinthios.

Bello civili Romæ extincto, & commercio inter Provincias Imperii restituto, S. Clemens seu jam Papa, seu adhuc simplex Sacerdos Epistolam ad Corinthios causa divisionum, quæ illam Ecclesiam turbaverant, responsoriam dedit. (*) Initium est hujus tenoris: *Ecclesia Dei, quæ est Romæ, Ecclesiæ Dei, quæ est Corinthi; Illis, qui vocati, & sanctificati sunt per voluntatem Dei in Domino nostro Jesu Christo. Gratia, & Pax omnipotentis Dei per Jesum Christum in omnibus vobis augeatur, & mutua sit. Merito timemus, charissimi fratres! ne afflictiones, quæ nobis acciderunt, nimis diu nostram attentionem impedierint, vestris quæstionibus debitam, quas nobis proposuistis, occasione*

Episcopi Romani consulantur.

S 2

impia,

(*) Ecce! antiquissimum, & clarissimum Testimonium! quantæ Auctoritatis SS. Pontifices, & Ecclesia Romana fuerint, tempore Apostolis proximo, imo cum S. Joannes Evangelista adhuc viveret. Cæterum non videtur esse dubio locus, quin S. Clemens jam Pontifex hanc epistolam scripserit. Certe omnia summam Auctoritatem spirant.

Sæculum I.

A. C. 69.

impia, & detestabilis seditionis, charitati Electorum Dei adeo adversa, quam parvus numerus insolentium, & praefervidorum hominum excitavit; eo usque, ut fama vestra, antea celebris, venerabilis, & amabilis omnibus hominibus, non parum detrimenti passa sit. Quis enim erat, qui, vel modico tempore vobiscum conversatus, vestram virtutem, & fidei firmitatem non aestimaret? Quis non sapientiam, & Christianam vestrae pietatis discretionem admirabatur? Quis non hospitalitatis vestrae magnificentiam deprædicabat? Quis non ob scientiæ vestrae perfectionem, & certitudinem inter felicissimos numerabat? Omnia sine acceptione Personarum agebatis, in Lege Dei ambulantes, & Pastoribus vestris subiecti. Honor debitus senioribus exhibebatur; juniores docebantur honeste, & moderate sentire; Mulieres in omnibus actionibus conscientiam puram, & castam servare; amare viros suos, sicut tenebantur; manere in submissione; unice rem domesticam curare cum magna modestia.

Omnes in humilitate unanimes eratis, sine vanitate, magis quærentes obedire, quam aliis imperare, magis dare, quam accipere; iis contenti, quæ Deus pro hujus vitæ peregrinatione concedit; verbum Dei scrutantes, servabatis illud
in

in cordibus vestris, Doctrinam ejus semper ante oculos habentes. Sic profunda pacis dulcedine fruebamini, eratque bene faciendi desiderium inexplebile; inde pleni Spiritu S. omnibus omnia eratis. In bona voluntate, zelo, & sancta fiducia ad Deum omnipotentem manus elevabatis, supplicantes, ut vobis peccata fragilitatis remitteret. Diu, noctuque laborabatis pro omnibus fratribus, ut numerus Electorum Dei per suam misericordiam, & eorum puram conscientiam salvaretur. Sinceri, innocentes, injuriarum immemores fuistis. Omnis seditio, aut divisio vobis horrorem incutiebat. Peccata proximi deflebatis, peccata eorum tanquam vestra reputantes. Omne genus boni agebatis hilariter, in iis etiam perseverare parati. Talis vita virtutibus conspicua, & omni veneratione digna, vestrum erat ornamentum; omnia in timore Dei faciebatis, evantque præcepta ejus in tabulis cordi vestri descripta. In gloria fuistis, & in abundantia; & impletæ sunt Scripturæ: Bibit, & manducavit Dilectus, Deut. 32. 15 & vixit in abundantia, impinguatus est, & recalcitravit. Inde nata est invidia, contentio, seditio, persecutio, tumultus, bellum, captivitas. Vilissimi omnium in viros spectatos insurrexerunt, insensati contra sapientes, juvenes contra

Sæculum I.
A. C. 69.

senes. Hinc justitia, & pax fugata, ex quo timor Dei defecit, obscurata est fides, & nemo Leges sequi voluit, aut Jesu Christi præceptis obedire; sed mala desideria secutus est unusquisque, injustæ, & impiæ invidiæ cedens, per quam mors in hunc mundum intravit.

§. XXXIV.

Testimonium Martyrii Apostolorum.

Deinde plura exempla veteris Testamenti affert, ut pessimos effectus invidiæ demonstret, incipiens a Cain. Ad-
ditque: *Mittamus hæc exempla antiqua, & illustrissima nostri temporis inspiciamus, illorum nempe Athletarum, qui sub nostris oculis decertarunt. Propter invidiam, & æmulationem Fideles, & Justi, Ecclesiæ Columnæ, usque ad mortem crudelissimam persecutiones passi sunt. SS. Apostolos in mentem revocemus; propter invidiam injustam passus est Petrus, non semel tantum, aut bis, sed sæpius, & ita completo Martyrio, in sedem gloriæ sibi debitam, transivit. Propter invidiam Paulus suæ patientiæ pretium reportavit; postquam vincula septies tulit, virgis cæsus est, & lapidatus. Postquam in Oriente, & Occidente prædicavit; & totum mundum justitiam docuit.*